



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### დარიოს I

დარიოს I, სპარსეთის მეფე (ძვ. წ. 522-486), აქემენიდების გვერდითი შტოს დამფუძნებელი.

აგრძელებდა კიროს II-ის საგარეო პოლიტიკას. გააფართოვა სპარს. საზღვრები. გაატარა მრავალი რეფორმა, მოაწესრიგა დაპყრობილ ხალხებთან ურთიერთობის საკითხი, დამორჩილებული ქვეყნები დაყო სატრაპიებად (სამხ.- აღმ. ოლქები).

ისტ. კოლხეთის სამხრ. რაიონებში - სამხრ.-აღმ. შავიზღვისპირეთში - მცხოვრები ქართველური ტომები (სასპერები, მოსხები, ტიბარენები, მაკრონები, მოსინიკები და მარები) შედიოდნენ XVIII და XIX სატრაპიებში. ხოლო ჩრდილოეთით მცხოვრები კოლხები სატრაპიებში არ შედიოდნენ, მაგრამ მათ გარკვეული ვალდებულება ჰქონდათ სპარს. მეფეების მიმართ - ყოველ მეხუთე წელს უწევდათ 100 ბიჭისა და 100 გოგოს გაგზავნა (ჰეროდოტე).

---